

Inkt, blood, troanen, schoemkoppen en aanere kovvie

# Hait en kold aan slootswale bie Peter Visser in 'Krödde'

■ GRUNNEN – In denijste oetgoave van 'Krödde' let de redaksie op bladziede aine Marga Kool veurgoan, mit n nij gedicht in t Zuuddrents. Dat heurt ook zo, veur n vraauw en veur n gast. Mor den komt der noa n inlaaiden van Hanny Diemer n riege gedichten van Peter Visser. Zo veul (negen) en veuraal zo goud, zee Hanny mie der bie, dat tidschrift nr. 24 wel n Peter Visser-nummer nuimd worden kin.

Door **JOHAN POPPEN**

Hanny het der as lid van redaksie n beste raaize veur over had, van Stad hen en weerom noar Sunt Ann. Doar holdt Visser zok t laifste schoel. Minsen, wat n gegengel, mit aal dij bochten op landwegjes! Schilderachtig? Joazeker, mor smaal... Doar hejje gain wait van. Bussjefeur ree ook nog gevoarelek dicht bie slootswale. Hai mos aan zied goan veur n bakbaist van n trekker. Drij moal laifst. Zowat iest joe tou.

En dou zee dij bliksemse kerel ooknog tegen Hanny: „Kom hier hoast nooit en k heb gain idee woar k bin”. Hai foi toch. Zokse raaizegers as Hanny mouten den van benaauwdgehaid wel blood swaiten. Gelokkeg kon zai dou aan kaande van weg n bredje zain met '3 km' en de noam van Peter zien dörp der op. En t was nait dokeg onnerweegs. Hehè.

Mor n poar uur loater op weeromraaize het Hanny naarns last van had. Ze haar gain oge meer veur staaile slootswalen en woepsters van trekkers. Ook het ze nait meer lusterd noar oetserij van sjefeur. Zo stief huil ze zok vaast aan n kertonnen deuze in n plestieken pude, dij Peter heur in groot vertraauwen mitgeven haar.



Je mouten zulm sikkom n dichteres wezen om t zo aan te vuilen as Hanny in 'Krödde' nr. 24 schrift: *De inhold van dij deuze gluide deur t kerton, deur t plestiek en deur mien jaze hin, en muik mien lief waarm. Gedichten woar k hait en kold van wuir, touglieks. Sonnetten en kwatrienen. Re-*

**LIJN 47 GADO** van TEN BOER naar GRONINGEN

**MAANDAG t/m VRIJDAG** Overstapmogelijkheden in: Groningen (diverse lijnen)

Plaats en halte	ritnr.	47001	47002	47003	47004	47009	47011	47012
Ten Boer, gaykingstraat	V	7 16	9 16	11 16	13 16	15 16	17 16	19 16
St Annen, bedumerweg		7 23	9 23	11 23	13 23	15 23	17 23	19 23
Lutjewolde, driesprong		7 25	9 25	11 25	13 25	15 25	17 25	19 25
Thesinge, molen		7 31	9 31	11 31	13 31	15 31	17 31	19 31
Gärmerwilde, hoek ribbeek		7 37	9 37	11 37	13 37	15 37	17 37	19 37
Ruscherbrug, brug		7 39	9 39	11 39	13 39	15 39	17 39	19 39
Groningen, pop dikemaweg		7 45	9 45	11 45	13 45	15 45	17 45	19 45
Groningen, grote markt		7 51	9 51	11 51	13 51	15 51	17 51	19 51
Groningen, zuiderdiep		7 53	9 53	11 53	13 53	15 53	17 53	19 53
Groningen, autobasiss	A	7 56	9 56	11 56	13 56	15 56	17 56	19 56

Op zaterdag en zondag vervallen de eerste en laatste ritten.

**Peter Visser**  
**OET T ZICHT**

k Verveel mie wat en zit mit speulgoudtraain bie put op t plekje tegen boetenmuur. Deur t bloeske hen vil ik zien waarme stain, want zun het smirregs op dit stee vrij kuur.

Op tegels veur mie komt n schaar, n bain ien t zicht. Ik wait wel t is, kiek nait, mor stuur traaintje tegen t bain. Wiederop, as k zain kin dat hom t is, verswient mien pa ien schuur.

Te vroug, as jonkje, heb ik hom verloren en oet verweer hil ik mien ogen dicht. Nou, older, wil k miezelf nait laanger woaren en dwoal ien vrouger rond op zuik noar hom. Mor net as k main, da'k hom ientegen kom, is hai aal wieder en verdwient oet t zicht,

*gels, nait schreven mit inkt, mor mit blood.*

Tou mor. Ik kin mie veurstellen, dat je joen emootsies nait hailendal meer in de haand hebben, as zo'n dichter joe krekt zien daipste wezen blood legd het. Gelokkeg veur Hanny, veur de gedichten, dij zai ôfdrokken mog in heur blad en veur de leeders het sjefeur van Sunt Ann noar Stad zien buzze wel goud onner stuur had. Mor Hanny trol de pènne nog, dou zai bladziede twij en drij van nr. 24 hail gewoon mit inkt volschreven mos.

As ik der as nóchtere leeder tegenaan kiek, kin k t zo zegen: t verlais van zien pa op jonge leeftied wil Peter mor nait tot de kop oet. Dat gaat ja voaker zo mit dichters. t Verdrait over aine, dij heur dierbaar west hest, blijft heur haile leven laank en heur haile

waark deur smaarten. Ze hebben doar ook nog noodlotsgedachten bie, aan slootswale van heur aigen weg deur t leven.

t Zel vot wel nait zo wezen, dat ie bie t lezen krekt as Hannie ook *aalgedureg je troanen votslikken mouten*. Ie zitten ja nait in Sunt Ann, dichter tegenover. Of in buzze, in de hope, dat je t leven der nog ôfscheuren kinnen. Ie bekieken dizze gedichten hailendal op joen gemak, in joen aigen, zaachte tillevisiestoule. Mor aanvullen zel je doar t waark van Visser veurvaast. Hai kín der wat van. Dat haar ik joe lest vanoet Wij al waiten loaten. Zien doar veurdroagen sonnetten en kwatrienen binnen dun delk 'veurlopers' op dizzent.

In 'Krödde' nr 24 taikent e zokzulm zo:

*Gelieke old Twijenvatteg wazze. En dat izze bleven.*

*Ik heb haitied docht, k zol hom nait overleven.*

*Nou, gelieke old, roak ik zien beeld nait kwiet, en ploagen vroagen: Hou laank is mie nog geven?*

Vot doar achteraan wait Geert, mit nijjaar metros onder goage, nog verschaaiden bladzieden laank zien kop boven widdeschoemkoppen te hollen in de baalkdeustere doagen veur Kerst. Jan Iden schrift over haalve störm, ieskolle regen en nadde snij. Gain verhoal as n waarme deken om joe tou, leeders. Zeker nait. Dat kin je ook nait verwachten, as ie schipbreuk lieden op 58.8 NB, 18.2 OL.

Ze vonden bie de Krödde-redaksie t stök wel laank. Kórter is ja maistieds beter. Ie waiten boetendes vot, hou t ôflopen zel: *Leste raaize* is de tuddel en dat zegt genog. Knabbe Anita onder kerstboom in Sandviken zel vergees wachten op heur Geert. Snok. Mor Iden kin t zeemansgevuil goud beschriev. Tot aan leste schriai „*Moeko...*” en leste *plomg* (op bladziede 20) tou. Vandoar.

Henk Puister let t boldern van de zee op t blad dernoast in zien gedicht 'Delfsiel' nog eem oetwaaien. Hanny vertelt op 31 zulm, hou heur aigenste Ebbert Venemoa biekomt van n oaventuurtou oet t volle leven as dekzwabber mit Kommoesoares Ketelbinkie op t Raitdaip. Da's hail aanere swaarde kovvie as op zee, leuf dat van mie!

Van de kórte nije verhoalen in nr. 24 vuilen mie dij van Geert Diemer, Jan Nomden en Henry Hes op. Ze haren ale drij male dreumen had. Hes alderdeegs deur t bezuik van n journalist, *dij bedocht of e nog wel n stukkie schrievien mos over t boukie van de domore tegenover hom, dat e toch nait lezen zol*. Der binnen gelokkeg veur die, Henry, nog oetzunderns. Dat zugst hier mor weer.

'Krödde'. Grunneger tidschrift, 56 bladzieden. Redaksie: Hanny Diemer, Eddie de Jonge, Henk Scholte, Fokko Veldman. Lös in boukwinkel: vief gulden vierteg; vaare in t joar mitnander: negentienvierteg.

dec 1987